

Bombero y enfermeronan a participa

Interesante ensayo cu helicopter na hospital



Aki por mira e Bomberonan cu un rato prome a prepara e tereno y cu ta mirando con e helicopter ta bahando.



Momento cu tur esnan involvi den e ensayo ta hayando splicacion con un victima ta wordo transporta den e helicopter y kico ta e procedura cu mester sigui.

ORANJESTAD—Ayerá mainta, unidad di Bombero mester a bay muha e tereno dilanti na banda di hospital y tambe para standby pa un aterisahe di helicopter. Enfermeronan di hospital tabata para na banda en espe-

ra di e helicopter. Tur persona cu e momento ei tabata na hospital, tabata den suspenso ya cu tur cos ta muestra cu algo hopi serio lo a pasa y cu ta treciendo e victima cu helicopter. **ENSAYO** Tur hende tabata mira con e heli-

copter tabata acercando y a aterisa riba e tereno cubri cu yerba dilanti di hospital. Despues ta resulta cu tur e preparacionnan aki tabata mas bien un ensayo caminda kier prepara tur esnan involvi pa cualkier eventuali-

dad. Despues a laga e vocero di hospital drumi den e helicopter pa simula cu ta un patient a wordo treci hospital pa tratamento. Algun siman pasa, helicopter mester a haci un aterisahe similar pero e biaha ey si tabata un

caso serio. Tabata e siclista cu a cay na Jamanota y a sufrí un corta di 45 cm. Ayerá tanto e enfermeronan como Bomberonan a wordo splica con e procedura ta pa asina den futuro tur cos ta cana ordena.



: Vocero di hospital hunto cu algun empleado ta pose pa Bon Dia Aruba banda di e helicopter di Warda Nos Costa.



Di e forma aki un patient ta wordo transporta den e helicopter pa hospital. Por mira claramente con e portanan di e helicopter ta habri y asina facilmente por saca e patient y hibe den hospital pa tratamento.



Enfermeronan para pafó di hospital, wardando pa e helicopter baha pa asina bay atende e patient abordo.



Despues cu e helicopter a baha, esun abordo di helicopter y e hefe di e delegacion di enfermeronan a saluda otro.